

## PROGRAMA

- 1.- O sexismo nos medios de comunicación. A mirada androcéntrica.
- 2.- A aplicación da perspectiva de xénero á información e á comunicación.
- 3.- Unha panorámica diacrónica da presenza da violencia contra as mulleres nos medios: do tratamento do críme pasional á visibilización do problema social.
- 4.-Análise do tratamiento da violencia contra as mulleres nos medios de comunicación: o tratamiento como suceso, a espectacularización da información, a reproducción de estereotipos sexistas, a falta de "axencia feminina", a relación coas fontes, o respecto ao anonimato das mulleres agredidas e a abordaxe do anonimato no caso do agresor, as perspectivas da información.
- 5.- Análise do tratamiento da violencia contra as mulleres nos medios audiovisuais.
- 6.- Fontes e medios de comunicación: Cara a un mellor entendemento
- 7.- Algunhas recomendacións para a mellora do tratamento informativo da violencia contra as mulleres.

## TEMPORALIZACIÓN

Data: 17 de xuño de 2006. De 9:00 a 14:30

Lugar: Vigo. Casa Galega da Cultura, Praza da Princesa 2, Salón de Actos

## DIRECTOR

•Luis Álvarez Pousa

## DINAMIZACIÓN DO OBRADOIRO

•Ana Sanmartín

•Ana Belén Pufal Rama

## INSCRICIÓN GRATUITA

Confirmar asistencia no Colexio Profesional de Xornalistas de Galicia • 981 935 670

xornalistas@xornalistas .com

# A violencia contra as mulleres nos medios

# COMUNICAR MÁIS ALÓ DO SUCESO

SÁBADO 17 DE XUÑO, CASA GALEGA DA CULTURA, VIGO



Organiza



Colabora



Entidade subvencionadora



## FUNDAMENTACIÓN

Nos últimos anos, a violencia contra as mulleres entrou con forza na axenda mediática. Xusto é recoñecer que o chamado cuarto poder contribuíu a visibilizar un problema social que, en moitas ocasións, permanecía agochado trala portas dos fogares, converténdose mesmo en aguillón dos poderes públicos.

Porén, o incremento da cantidade da información sobre a violencia de xénero non foi acompañado da debida calidade, respecto e ética no seu tratamento. O sensacionalismo, a frivolidade, o enfoque en exclusiva do suceso sen unha abordaxe dende a problemática social, a reproducción de estereotipos sexistas no tratamento das mulleres agredidas e dos homes agresores, a victimización das mulleres ou a violación do seu dereito ao anonimato son só algúns dos aspectos que pexaron o tratamento informativo da violencia contra as mulleres.

Ante esta situación, dende institucións varias elaboráronse recomendacións para un mellor tratamento informativo deste problema social, que en Galicia se materializaron na Declaración de Compostela promovida polo Colexio Profesional de Xornalistas de Galicia. Porén, consideramos que é necesario ir máis aló das palabras rubricadas sobre o papel e incentivar o compromiso activo das e dos profesionais dos medios cun correcto tratamento da violencia de xénero. Con este obradoiro pretendemos analizar a abordaxe infor-

mativa da violencia contra as mulleres, tanto coas e cos profesionais dos medios como con aquelas persoas provintes de asociacións e organismos en contacto con este problema social dende distintos ámbitos. Propiciaremos o diálogo entre medios e fontes de información no ámbito da violencia contra as mulleres e debatiremos sobre a adopción de estratexias que permitan a mellora do seu tratamento.

## OBXECTIVOS

- Detectar a ollada androcéntrica nos medios de comunicación: a introdución da perspectiva de xénero como alternativa.
- Abordar a violencia contra as mulleres como brazo armado do patriarcado. Aproximación ao concepto. Achegamento ao problema social, indo máis aló do suceso.
- Analizar o tratamento informativo da violencia contra as mulleres. Reflexión crítica sobre o tratamento informativo de casos concretos dende os medios galegos.
- Fomentar o encontro entre medios e fontes: Que pensan as fontes do tratamento dado polos medios? Que pensan os medios da actuación das fontes? Análise conxunta das propostas xurdidas dende medios e fontes para a mellora do tratamento informativo da violencia contra as mulleres.
- Analizar a influencia das rutinas no tratamento informativo dado á violencia contra as mulleres.
- Adoptar estratexias para unha mellora no tratamento informativo da violencia contra as mulleres.